



Inatsisartunut ilaasortaq,
Jens NapátôK'
Naleraq,
Maani/

Aasianni suliffissuaq pillugu § 37 naapertorlugu apeqqummut nr. 137-mut akissuteqaat

18-08-2025
Suliap normua: 2025 - 16657
All. nr. 25641152

Inatsisartut suleriaasianni § 37-mi imm. 1 naapertorlugu *Aasianni suliffissuaq* pillugu Naalakkersuisunut apeqquteqarputit. Apeqqut suliaasaqarfigisannit akineqartussanngorlugu innersuunneqarpoq

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

1. Aasiaat fabrikkiat pillugu Naalakkersuisut aaliangersimasumik arlaatigut siunnersuusiortat aaqqiissutaasussamik siunnersuummut atugassamik aalisakkanik tunitsiviup ammaannarsinnaanissaa qulakkeerniarlugu?

1-imut) Polar Raajat A/S taassumalu Aasianni suliffissuaq suliffeqarfiupput namminersortunit 100%-imik pigineqartut, Naalakkersuisullu ingerlatseqatigiiffimmut sunniuteqanngillat. Tamanna pillugu Aasianni aalisakkanut suliffissuaq qanoq ingerlanneqassanersoq ingerlatseqatigiiffimmit piginnittut nammineq aalajangissavaat.

Aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaanni §5, imm. 2-mi aalangersarneqarpoq raajat tunngaviummik titarnermiit 3 sœmilit iluanni kiisalu Sisimiut-karsimi aamma Disko-karsimi pisat angallammi tunisassiarineqaqqusaanngitsut, nunamulli tunisassiorfimmi suliareqqitassanngorlugit tulaanneqassasut. Siunnerfilimmik malittarisassiornikkut pisuussutit naleqarluartut soorlu raajat nunami tunitsivinni suliffissanik ingerlatanillu pilersitsinikkut sinerissap qanittuani najukkani inuiaqatigiinnit iluaqutigineqaannarnissaat Naalakkersuisut qulakkeersimavaat. Aalisakkanik pisuussutit piujuartitsisumik atorneqarnissaasa qulakkeernissaannut Naalakkersuisut aallussinerat taamatullu najukkani aningaasaqarnerup suliffissaqarnerullu illersorneqarnerat tassuunakkut erseqqissarneqarpoq.

2. Naalakkersuisut pilersaaruteqarpat susassaartut piginnittut innuttaasullu peqatigalugit Aasianni suliap ingerlatseqqinnissaanut fabrikkip ammaannarnissaanut aaqqiissutissamik periarfissarsiormut, fabrikkip ammaannarnissaa taakku siunissaannut pingaaruteqaqimmat?

2-mut) Naalakkersuisut aalangiiniarnermi peqataanngillat. Polar Raajat A/S taassumalu Aasianni aalisakkerivia suliffeqarfiupput tamakkiisumik namminersortunit pigineqartut, taamaattumillu Naalakkersuisut aalisakkerivik suliffeqarfilluunniit Polar Raajat A/S qanoq ingerlanneqarnersoq peqataaffinngilaat.

- 3. Ataatsimiititaliat susassaqtut suliniaqatigiiffiit kattuffiillu aammalu susassaqtut attuumassuseqtut peqataatillugit suliamik malinnaatitsillunilu ingerlatsisoqarniarpa suliap ingerlaqqinnerani?**

3-mut) Apequtigineqartumut 2-mut akissutigineqartoq takuuk.

- 4. Naalakkersuisut allanik ilassutissaqarpat pineqartumut taamatullu Naalakkersuisut suliap ingerlaqqinnissaanut tunngassuteqartumik ilanngussassaqarpat?**

4-mut) Aalisarnermut piumasagaataasunut tunngaviusunut aamma inatsisip naleqqussarnissaanut pisariaqartitsinermit tunngatillugu aalisarnermi peqataasunik, matumani kattuffinnik ingerlatseqatigiiffinnillu, Naalakkersuisut ingerlaavartumik oqaloqateqartarput.

Inussiarnersumik inuulluaqqusillunga



Peter Borg sinnerlugu

Aalisarnermut, Piniarnermut Nunalerinermut Imminullu pilersornermut Naalakkersuisoq